

民國史料叢刊

833

張研 孫燕京 主編

史地・地理

山東問題彙刊（上、下）<一>

 大象出版社



K258. (3)
(833)

民國史料叢刊
833

張研 孫燕京 主編
史地·地理

山東問題彙刊（上、下）八一—V

 大象出版社

圖書在版編目 (CIP) 數據

民國史料叢刊／張研 孫燕京主編

—鄭州：大象出版社，2009.2

ISBN 978-7-5347-5439-5

I. 民… II. 張… III. 中國—近代史—史料—民國

IV. K258.06

中國版本圖書館CIP數據核字 (2009) 第022264號

民國史料叢刊

張研 孫燕京 主編

史地·地理

總策劃 耿相新

責任編輯 楊吉哲 王莉娜

封面設計 劉冬王

出版 大象出版社 (鄭州市經七路25號 郵政編碼 450002)

網址 www.daxiang.cn

發行 大象出版社總發行部 電話：0371-63863551

印刷 北京中獻拓方科技發展有限公司

版次 2009年8月第1版 2009年8月第1次印刷

開本 890 × 1240 1/32

印張 13

總定價 180000.00元

若發現印、裝質量問題，影響閱讀，請與承印廠聯系調換。

印廠地址 北京經濟技術開發區運成街甲3號

郵政編碼 100176 電話 (010) 67889166

張一志編

山東問題彙刊(上、下)

山東問題彙刊

黎元洪題



王正建



鐸木隔東

山東問題彙刊序一

歷觀吾國前史。凡國家危難之秋。忠臣義士。必出于其間。不賴爵祿之勸。斧鉞之威。守尺土則血肉膏原。櫻孤城則肝腦塗地。捐身家妻子。與世長辭而不悔者。皆深明於孟子介乎兩大之間。效死勿去之義。不必其事之有濟。凡以盡吾之心與力耳。然聖人之謀國也。不鬪力於覆亡之後。而善鄰於承平之日。蓋天道愛人。不敢人以並爭。聖人體天。不逆天以黷武。是故樂天者。以大事小。兵力雖強備而不用。故大者得持盈保泰。而禍亂不萌。畏天者。以小事大。國勢雖辱。民氣猶存。則小者怵惕惟厲。而顛覆可救。然非全國人民。深明夫國情。審觀夫事勢。則議論囂張。無端僨事。或龐雜畏惡。鼓厲不前。求之草野之間。無以為廟堂之移盾。而謀之樽俎之上。又不為閭閻所共諒。斯內憂先兆。外患何辭。吾國外交多中此弊。然自己巴黎議和之初。留東學界。即對於山東問題有縝密之研究。今當太平洋會議之時。歐美學界。張君一志。又有山東問題之著。作庶幾吾所謂全國人民深明國情。審觀事勢者。皆於此發其端歟。外交當局。實歡迎之。特書以弁其首。

民國十年十一月

上海顏惠慶

山東問題彙刊序二

近年來。我全國國民所最注意者。殆莫過於山東問題矣。始之以對德和約之不簽字。繼之以中日間直接交涉之反對。至於今。一方面。爲拒絕日本要求交涉之運動。一方面。又爲一出華盛頓會議之預備。此問題遂愈演而愈複雜矣。夫此問題之關係。既日以複雜。我等勢不能以簡單之觀念應付之。必也求其原委。綜其事變。鑒已往之得失。定將來之取舍。於是與此問題有關之材料。如德國占據膠澳以後。至日本攻取此地。其間經過之事實如何。日本佔領茲地以後。至於今日。其積極經營。巨細靡遺者何若。巴黎和會。何以列強爲日本所挾持。自不簽對德和約以來。何以政府與國民之意見。終不能一致。友邦識者。對於此問題之論議如何。此皆吾人所資以參考者。而往往散見各報。未加綴輯。誠恨事也。北京大學教授張君一志。對此問題。素所攷求。凡與此問題有關係之材料。隨時輯錄。其俾見外國報紙者。則譯之。並益以自著之論說。分別部居。勒成兩巨冊。而適於預備提出華盛頓會議之前。刻期出版。可謂應時勢之要求者矣。其下卷中議論。一則欲表示山東問題解決之傾向。與不能直接交涉之理由。一則欲敘述現今世界之大勢。與中國歷來外交之情形。讀此書者。不僅可曉然於山東問題之真像。并藉以知中國與列強外交之梗概焉。

民國十年十一月十一日蔡元培序。

民國十一年十一月十一日蔡元培

山東問題之重要

今世界之大勢與中國歷史之變遷

山東與我國之關係

山東之地位

山東之交通

山東之資源

山東之人口

山東之教育

山東之政治

山東之經濟

山東之文化

山東之歷史

山東問題彙刊序三

以謀全世界永遠和平爲職志之太平洋會議。開幕於歐洲休戰第三週年紀念之今日。凡屬人類。迎其善意。宜莫不欣然額手。顧予乃獨居深念。百感交縈。不自知其爲喜。亦不自知其爲憂也。適張君一志輯山東問題彙刊既成。持以相示。爰爲之序曰。山東問題。非獨中國之利害問題。乃世界之義利問題也。其關於中國利害者。吾國人熟權之。誓死以與日本爭。歷數年如一日。其理直氣壯之概。宜爲各國所共審。但各國對此雖多半直我。而能始終仗義執言。使恃強權者屈而從焉者。則至今尙末之睹。嗚呼。二十年來。各國宣言保全中國領土主權者屢矣。夫領土主權之保全。乃吾國所自有事。原非可容他人越俎。則此言也。在我國人固深惡其不祥。然使宣言者。稍解信義。則德國往年無以奪我膠州。又若各國共起而責以先背約。則又何至縱德以武力自雄。釀成歷史未有之戰禍哉。顧我國當時以積弱。未之能校。忍而至於歐戰既開。我國喜協約國之以義戰自命也。排萬難以相從。意其以義始者必能以義終。庸詎料參戰者有義務無權利。而吾所最近交又常以親善相誘者。乃反尤德而效之。協約國雖獲戰勝。我獨侵地不返。夫青島之捷。雖日本之兵力是賴。而同仇敵愾。可居以爲功。不得因以爲利。如其不然。則猶兄弟同拒盜。盜去而據其兄若弟之失物。亦可謂爲分所應得也。雖利令智昏者不至此。然則山東問題。本易解決也。而乃持我數年不肯下。毋亦竊鉤者誅竊國者侯之類耶。雖然。各國怵于大戰之慘。非人道。今方聚而謀全世界之和平幸福矣。吾人試爲預測其結果。必也以義則相合。以利則相離。而其最足舉以爲驗。

山東問題彙刊序

二

則山東問題之解決實爲之標準。否則一面以德爲鑒。而一面又容他國繼起而爲德國之續。豈非矛盾之甚乎。吾料各國前事不忘。豈其忍於出此。惟於本問題之原委。或未盡得真相而易滋誤會。則從各方面爲綿密之研究。務能揭充足理由以喚起各國之同情者。實吾國人今日之至急務也。而關於此項。向無專書。今幸得讀張君之作。吾國人其果將由此得明確堅定之主張。而有圓滿解決之一日乎。則張君之功爲不沒矣。

民國十年十一月十一日范源廉

山東問題彙刊序四

歐戰以後。巴黎和會中所未完全解決之問題。在歐洲爲非麥問題。因列強意見不合。意大利一時退出和會以爲要挾。巴黎和會。幾肇絕裂。在亞洲爲山東問題。日本於意大利退出和會後。用之以恫嚇歐美。以遂其東亞門羅之素志者。其結果。則爲中國之拒絕簽字於對德和約。與美國上議院之否決德約全部是已。故草創國際聯盟之美國。至今仍處於國際聯盟之外。

山東問題。今日之現象。爲中國既不肯直接與日本交涉。以結此案。日本復不肯毅然退出山東。以讓中國。山東問題。遂成爲國際間之一大懸案。美國素稱可恃。中國倚之爲奧援。然而在和會中。美國實未能與中國以充分之助力。萬一中日間因山東問題。而邦交決裂。美國更未見能以其實力。供我犧牲。日本今迫於時勢。方從事於親華。故不計於再三催促中國直接交涉。駁復之辱。而反有取消中日軍事協定之事。以緩和中國人之感情。則日人絕不至無頭腦若此。用強迫方法。使中國承認其巴黎和會山東事項之要求。更可以不言而喻矣。

山東問題之成爲國際間懸案。今爲已成之現象。去歲陸專使歸國時。日本一再通牒。催議此案。山東問題解決之期。一時似非遙遠。今則時移勢異。又暫擱置。本刊下卷第三篇第五章中。以山東問題提交國際聯盟之理論。無論何時。當可適用。本書名爲彙刊。因其材料。皆從各處搜羅彙集而成。其間崎嶇重之處。讀者可各評定其良惡當否。其跡雖難免東羅西補之窮。編者敢自信其首尾未嘗無精神一貫之

用。他人之功不敢貪。編者之志不能廢。故本書於轉載各篇。總目中則消註曰由某報某雜誌轉載。其下則署某某著。或某某譯。以資攷証。其中編者自譯自著。以補偏缺者。則亦書名。以示無別焉。

本書分爲上下兩卷。上卷第一篇。爲關於山東問題之各項條約。第二篇爲關於山東問題之各項調查。皆偏重于已往之事實者。第三篇則載在下卷全卷。爲關於山東問題之各種議論。此或爲各重要雜誌之論文。或爲各重要人物對此問題所發表之意見。其中有追述已往之事者。有討論本問題解決之將來者。有綜論本題之一切者。因其議論之性質。而區別之。故本篇又分爲五章。蓋其重要之處。固不僅在篇中間接所載之各項議論。而實在發此種議論之人直接之意見也。本書插圖計八幀。轉載條約計十有八。合上下兩卷計之。都七百頁。

坊肆間所售關於山東問題之著作。亦間有之。惟對於本問題之解決。每多偏重已意。而乏博採之眼光。對於本問題之事實。則多主敘述。而無精確之調查。爲供海內學子研究山東問題之眞像。與夫留心世界大勢者。欲知各國人士對於本問題之輿情起見。此山東問題彙刊之所由公諸世也。本書於事實則主張溯其原委。於議論則主張博採廣徵。與鄙人近由美國國際公法雜誌中所譯出之「山東問題」一篇。其宗旨殆略相似也。

本刊之出版。鄙人所自覺。不能十分滿意者。厥有二端。一爲文字格與句讀法之不一律是也。此書本係彙刊。故文字有從白話文體者。有從普通論文體者。至于句讀體裁。則更難一律。因從各種雜誌轉載諸

篇。其原來圈點格式，有難于變更者。故仍以原式付印。有因文體之不一，律故各因其便。有用舊式者，有用新式者。一爲付梓之期。與發行之期。相拒過於懸殊也。此書於民國九年五月間付梓。預計可於年底出版。嗣因皖直戰爭。鄙人出京。校對中止。繼又因印刷遲緩。故至十年方克出版。而公諸世。幸其間局勢無大變更。故本書待修正之處甚少。

再鄙人對於此書之竟獲編成。以至於出版。欲申明之事。又有二端。一此書編輯之動機。始於應歐美同學會月刊編輯湯君壽君之託。余作「山東問題政治上之重要」一篇。（此篇見本書下卷第三篇第一章中。）以實月刊篇幅。其時始從事於搜集各種材料。留心於各種雜誌報章之著作。歷時既久。不忍卒棄。于是商諸湯君。彙集已有之材料。編輯而成是書。然則此書之幸而得成。以至於出版。而公諸是。實爲編者初意所不及料也。是以本書出版之經費。由上海歐美同學會先墊其半數。而出版之名義。亦歸之。再於此書付梓之先。曾商之於蔡子民先生。將來此書印成之後。由北京大學出版部代爲發行。既得其允許。故本書之發行。今用北京大學出版部之名義。

民國十年二月揚子張一志序於杭州西湖湖濱旅館。

又序

山東問題彙刊序

四

因多方之阻力。此書印刷。異常遲緩。絲延經年。邇來太平洋會議之聲浪。彌漫全球。山東問題之解決。或可早日見諸事實。故余於日本晚近一二次要求直接交涉之通牒。附載書尾「對於山東問題提出太平洋會議之意見」篇中。以求完備。此書本爲彙刊之性質。偏重於搜求本問題之眞像。與國民對於本問題普通之態度。而輕採一般偏頗之議論。無論山東問題。何日解決。本書必可供研究本問題者參考之資。本彙刊不完全之處。著者自覺頗多。將來於再版時。或可補其缺漏。其差謬之處。讀者倘不吝見教。幸甚。十年十一月一志再識。